



Tužilaštvo - Tužiteljstvo Bosne i Hercegovine
Тужилаштво Босне и Херцеговине

Broj: T20 0 KТРО 0017673 20 2
Sarajevo, 30.11.2023. godine

SUD
BOSNE I HERCEGOVINE
SARAJEVO
Sucu za prethodno saslušanje

Na osnovu odredbi člana 35. stav 2. tačka i) i odredbi člana 226. stav 1. u vezi sa odredbama člana 227. Zakona o krivičnom postupku Bosne i Hercegovine (u daljem tekstu ZKP BiH) podižem:

OPTUŽNICU

Protiv osumnjičenih:

1. **Stojčinović Jevre**, [redacted] rođene [redacted] 1952. godine u Srebreniku, [redacted] državljanke BiH, [redacted]
2. „Natali“ d.o.o. Doboј, sa sjedištem u Doboјu [redacted] [redacted] osnivač i lice ovlašteno za zastupanje bez ograničenja Stojčinović Jevra, [redacted]

zbog postojanja osnovane sumnje da su:

I **Stojčinović Jevra**

u periodu od 11.04.2014. godine do 31.12.2018. godine, kao direktor i lice ovlašteno za zastupanje u pravnom licu „Natali“ d.o.o. Doboј, u okviru poslovne djelatnosti pravnog lica „Natali“ d.o.o. Doboј, kao poreskog obvezika u smislu odredaba člana 12 i 13. Zakona o porezu na dodanu vrijednost („Službeni glasnik BiH“, broj: 9/05, 35/05 i 100/08), poduzimala „pro forma“ radnje u smislu odredaba člana 16. Zakona o Upravi za indirektno oporezivanje BiH, odnosno poduzimala radnje koje su odredbom člana 64. Zakona o porezu na dodanu vrijednost

definisane kao "fiktivni promet", tako što je pribavljala lažne fakture o nabavci roba i usluga koje glase na pravna lica [REDACTED]

[REDACTED] pa je tako pribavljene fakture i promete iskazane na istim, evidentirala u svojim poslovnim evidencijama i u svojim prijavama samooporezivanja podnesenim Upravi za indirektno oporezivanje BiH, kao da je promet stvarno izvršen, odnosno neosnovano iskazala ulazni porez na dodanu vrijednost sa pravom odbitka u ukupnom iznosu od 594.991,00 KM i to: u 2014. godini iznos od 141.486,00 KM, u 2015. godini iznos od 90.230,00 KM, u 2016. godini iznos od 120.478,00 KM, u 2017. godini iznos od 123.895,00 KM i u 2018. godini iznos od 118.902,00 KM, koji je prijavila i u PDV prijavama Upravi za indirektno oporezivanje BiH, čime je postupila suprotno odredbama člana 32. Zakona o porezu na dodanu vrijednost („Službeni glasnik BiH“, broj: 9/05, 35/05 i 100/08) na koji način je izvršila umanjeње svoje obaveze po osnovu poreza na dodanu vrijednost, čime je oštetila budžet BiH u ukupnom iznosu od 594.991,00 KM.

II Pravno lice „Natali“ d.o.o. Doboj

kao poreski obveznik, raspolagalo protivpravno ostvarenom imovinskom koristi, u iznosu od 594.991,00 KM, koju je u ime, za račun i u korist pravnog lica ostvarila Stojčinović Jevra, kao direktor i lice ovlašteno za zastupanje u pravnom licu, na način opisan u tački I optužnice.

dakle, pod tačkom I u optužnici Stojčinović Jevra izbjegla plaćanje davanja propisanih poreznim zakonodavstvom BiH, dajući lažne podatke o svojim stečenim oporezivim prihodima, a iznos obaveze čije se plaćanje izbjegava prelazi 200.000 KM, dok je pod tačkom II u optužnici pravno lice „Natali“ d.o.o. Doboj raspolagalo protivpravno ostvarenom imovinskom koristi,

čime su, pod tačkom I u optužnici Stojčinović Jevra počinila krivično djelo poreske utaje ili prevare iz člana 210. stav 4. u vezi sa stavom 1. Krivičnog zakona Bosne i Hercegovine, a sve u vezi sa članom 54. Krivičnog zakona Bosne i Hercegovine, pravno lice „Natali“ d.o.o. Doboj radnjama opisanim pod tačkom II u optužnici, počinilo krivično djelo poreske utaje ili prevare iz člana 210. stav 4. u vezi sa stavom 1. Krivičnog zakona Bosne i Hercegovine, a sve u vezi sa članom 54. i 124. Krivičnog zakona Bosne i Hercegovine.

TUŽILAC
TUŽILAŠTVA-TUŽITELJSTVA BiH